

locum dilexerunt, et sua corpora ibidem tumulari voluerunt, ut a Christo Domino in die judieii resuscitari mererentur. Usque hodie enim, id est usque ad praesentem annum, qui est incarnationi Verbi 1058, anni vero regni regis Francorum Henrici xxviii, hoc ipsum devote in hac peractum est ecclesia. Quod et ut in posterum fiat humiliter satendum est. A rectoribus quoque loci sive a ministris magnopere procurandum est ut, sicut in ecclesia agi diximus, sic quoque refectio ex pretiosis dapibus et pigmentis pro ipsorum spiritibus solemni preparetur obsequio, quia, ut vulgo dicitur, inanis videtur esse labor qui victus alimoniam non tribuit. Et ne hoc vanum cuiquam aut floccipendendum videatur, abbatis Giraldi seni totius congregationis favore ac voluntate statutum est ut pro comite Burchardo, qui tanta beneficia nunc ecclesiae contulit, ut quisque ex praesentis stylu barratu noscere valet, provisor Nobiliaci, pro Eli-

beth vero Cruciaci, pro Rainaldo praesule Seire, pro Hugone rege Mansionum, pro Ermensredo autem ejusque conjuge Liciarum et Jurei, pro abbatibus hujus congregationis provisor atque thesaurarius hujus loci diligenter, absque omnis negligentia incursum, studerent perficere. Qui autem hoc decretum postmodum despiciere aut destruere conaretur, perpetuo excommunicationis anathemate dampnaretur.

Proposueram in procario hujus Operis post haec de praesule Rainaldo aliqua disserere, quo ejus memoriale posteris notum fieret. Sed quia non est in potestate hominis vita ejus, multis incommodis urgentibus, me nunc hoc perficere minime libet, donec optatæ pacis et tranquillitatis tempus adveniat. Gratias tamen et in prosperis et in adversis semper agamus Iesu Christo, sanctoque Paracelto, qui vivit et permanet unus Deus indivisibiliter per cuncta saecula. Amen.

EXPLICIT VITA DOMINI BURCHARDI VENERABILIS COMITIS.

ANNO DOMINI MLVIII.

## ANSELMUS CANONICUS LEODIENSIS.

**ANSELMI**

### HISTORIA EPISCOPORUM LEODIENSIVM.

(*Vide Patrologiae tom. CXXXIX, in HERIGERO Leodiensi, ad an. 1008. Anselmum ab Herigero, quamvis annis quinquaginta juniores, propter arctam quæ inter opus utriusque existat connexionem, disjungere olimus.*)

ANNO DOMINI MLVIII.

## DROGO BELLOVACENSIS EPISCOPUS.

### NOTITIA HISTORICA.

(*Gallia christiana, nov. edit., tom. IV, pag. 708.*)

Occurrit quamprimum Drogo an. 1035, quo, concedente Henrico rege, fundavit non longe ab urbe monasterium S. Symphoriani. Anno sequenti duo alia monasteria instauravit: Flaviacum nempe, virorum; et oratorium virginum, nunc S. Pauli nomine insignitum. Fundavit etiam ex Luvelio,

C ton. I, pag. 50, an. circiter 1037, ecclesiam collegiam S. Laurentii; et eodem anno alia S. Bartholomaei collegiata fundata est ab Hailone milite. Henrico rege foundationem confirmante. Præterea ejus consilio monachi cum abbatte restituti sunt apud Britolum; et ipse dedit canonicis suis ecclesias de

Haudivillari, de Exilio et de S. Eusebia; monachis vero S. Luciani alias ecclesias cum comitatu et vicaria Warlosi, cuius rei chartam habes apud Luvetium tom. II, pag. 190. Anno 1047 subscripsit placito Henrici I regis pro cœnobio S. Medardi Suessionensis adversus Robertum Codiacensem; et donationi Balduini cancellarii in gratiam monachorum S. Projecti Quintinopolitanorum anno sequenti adfuit concilio Silvanectensi. Anno 1049 a Leone IX

A papa vocatus ad concilium Remense, nec convenit, nec misit excusationem; sed in comitatu regis communans perrexit ad bellum; quare excommunicatus est cum archiepiscopo Senonensi, episcopo Ambianensi, et abate S. Medardi. Sed paulo post ab excommunicatione solutum conjicimus, nam Ecclesiam suam gubernare perrexit, atque in ea pacifice diem clausit exterritum. Obiisse dicitur anno 1058.

## DROGONIS

### EPISTOLA AD W. COEPISCOPUM SUUM.

(Apul. Baluz. Capitul. tom. II, col. 1349.)

*Consultus a Widone episcopo, ut videtur, Silvanectensi quid agendum foret de quibusdam hominibus qui sacerdotem acriter verberaverunt, respondet inter alia ex Capitularibus, et caput 98 libri vi, De sacerdotibus et levitis atque monachis interfectis vel debilitatis, ad sententia sua probationem adducit.*

Fratri et coepiscopo W., D. Belvacorum episcopos, salutem.

Si res ita se habet ut vobis vester fratellus ill. narravit, illos sacrilegos non tam excommunicastis quam excommunicatos esse denuntiasti. Nam si humana lingua taceat, divina tamen auctoritas post patratum flagitium mox illos anathematizat. Quod ex verbis Domini colligimus sic loquentis ad discipulos suos: *Qui vos spernit me spernit. Qui vos tangit, tangit pupillam oculi, mei.* Isti enim membra Christi et pupillam Dominici oculi non solum tetigerunt, sed, ut audio, acriter verberaverunt. Unde et protinus divino iudicio communione privati fuerunt. Ubi de re peritura agitur, dandæ sunt forsitan in quibusdam negotiis harum vocationum dilationes. Quando autem hoc tale et tam maximum committitur sacrilegium, in quo verum Dei templum non manufactum violatur, eodem momento operator hujus iniquitatis non tantum reus efficitur excommunicationis, sed etiam alicuius magni supplicii quod possit et ipsam superare gehennam. Recte igitur eos absque dilatione excommunicastis qui non timuerunt extendere manus in sanctos Dei. Quod si queratur quomodo puniri vel corripi debeant, expedit eis ut mola asinaria gravata demergantur in profundum maris, qui famulis Christi scandalum inferentes verberibus eos et contumelias affixerunt. Leges quoque mundanæ in Capitularibus præcipiunt hujusmodi aut capitali sententia puniri, aut exsilio deportari, aut manus incontinenter extensas præcidi, aut depositis militaris armis in monasterio, sub perpetua retrudi pœnitentia. At vobis pro tempore et sacerdotali consuetudine mitius erit agendum, videlicet ut prius vobis emendetur excommunicatione; deinde capitalia, si ablata sint, cum lege triplici reddantur. Ictus quoque singuli et prensiones secundum legem tripli-

B citer emendentur. Postmodum exigite ab eis triginta libras quae solent dari pro infractione atrii ecclesie. Multo enim pretiosior est Dei minister quam atrium templi vel parietes. Præterea congrua injungatur eis pœnitentia aut septem aut quinque annorum, ut et isti corriganter et cæteri metum habeant. Hoc est excerptum de sexto libro Capitularium, capitulo 98: *Si quis sacerdotem vel levitam aut monachum debilitaverit, iuxta statuta priorum capitulorum quæ legi Salicæ sunt addita componat, et insuper bannum nostrum, id est sexaginta solidos nobis persolvat, et arma relinquat, atque in monasterio diebus viæ sue sub ardua penitentia Deo serviat usquam post modum sæculo vel sacerdibus militaturus, neque uxorem copulaturus.*

C Tempore Ludovici regis, patris Lotharii, fertur quiddam actum. Cum quidam ira permotus quemdam sacerdotem gravissimis affectum injuriis et ad extremum plagiis non timeret lacerare plurimis, uterque coram regia censura reductus est. Qui diligenter causam examinans, Christi ministris ut doceret omnem exhibendam reverentiam, omnes circumstantes sibi sic allocutus est: «Omnis, inquit, nostræ religionis cultus per sacerdotum officia percelebratur; ideoque eis omnimodis cultus reverentiae divinæ exhibetur, non eorum aliquando hoc exigente vitæ merito, sed ut in eis videatur a nobis obtemperari Christo. Unde hunc qui sic intemperanter efferatus in Dei sacerdotem est deductum, censeo ad arboris stipitem stringi, omni vestimentorum adempto tutamine. » Cum itaque juxta regis sententiam comprehensus, nudatus ad arborem foris fuisset constrictus, tanta ibidem refertur repente advenisse per molesta multitudo muscarum ut antequam... rex fecisset regrediens milliarium, omne corpus ejus comedum referretur.